

DIVINI TEMPLI EXCISIO
ORATIO
HABITA IN VATICANO SACELLO
S.D.N. VRBANVM VIII.
IPSO PARASCEVES DIE

AB
HORATIO GRASSIO SAVONENSI
E SOCIETATE IESV.




ROMÆ, Apud Hæredem Bartholomæi Zannetti. MDCXXXI.

SVPERIORVM PERMISSV.

SOLVITE TEMPLVM HOC
ET IN TRIBVS DIEBVS
EXCITABO ILLVD
ILLE AVTEM DICEBAT
DE TEMPO
CORPORIS
SVI

Ioannis 2.



EMINENTISS. AC REVERENDISS.

PRINCIPI

LVDOVICO CARD. LVDOVISIO

S. R. E. VICECANCELLARIO.

Horatius Grassius è Societate IESV F.



VM tua illa animi celsitudo, ac regia planè liberalitas, Princeps Eminentissime, Ignatii sanctissimi Parentis nostri meritis, & tuæ par pietati Templum moliretur; nescio qua mea felicitate, facilitate certè tua factum, ut eiusdem sacræ molis speciem, depictis etiam exemplaribus conformatam à me potissimum exposceres, cui ad eam diem studijs alijs vicumque occupato, Architectura reliquarum tantummodo curarum appendix fuerat, vel potius defatigati subinde animi relaxatio. Mutandi mihi proinde illico mores fuere, atque omissis rebus ceteris, huic uni incumbendum adeo, ut iam fieret negotium, quod otium fuerat, & onus, quod oneris leuamentum; ut tandem & animi tui magnitudini, & operi egregio facerem aliqua ex parte satis. Verum, dum studium omne ad hanc

A 2 refero

reſero diſciplinam, dum quacumque, aut mecum ipſe
 agito, aut etiam oculis uſurpo, eodem ſpectant; his, uſ-
 que eò mens aſſuevit, nihil ut iam, niſi ædificiorum ha-
 bitu & cultu intra ſe admittat. Dicturus eram de
 Chriſti Seruatoris noſtri nece in Vaticano ſacello, mo-
 lemque illam pœnarum lectiſſima in concione expoſitu-
 rus: & quamuis maſtiſſima hæc diuinorum dolorum
 ſeries non una facie, ac forma ſe mihi ſubinde propo-
 ret intuendam; numquam tamen in animum recepta
 eſt, niſi cum ſe, ea ipſa, quam illi Chriſtus indiderat,
 diruti Templi ſpecie, opportunè obtulit. Nam, quoniam
 ex oraculis ſapientium, eadem contrariorum eſt diſcipli-
 na; nondum propterea probabilem Architectum mihi
 expreſſiſſe uidebar, niſi, qui unius modò templi ſtru-
 cturam, non ineptè, multorum, ac tuo in primis, iudi-
 cio deſcripſeram, alterius quoque demolitionem ex eiuf-
 dem artis legibus explicarem. Quod quando præſtiti,
 omnes prorsus pulcherrima facultatis partes expleſſe me
 duxerim, ſi eodem apud te loco, atque æſtimatione fue-
 rit hæc Diuini Templi ruina imago nunc à me delinea-
 ta, quo alterius ſtructure nuper fuit exemplar; eritque
 planè quòd gaudeas, talem me, non tam ingenio meo,
 quàm tuo munere extitiſſe. Vale.



ORATIO.

IMMANE excidium, & ruinam
 sæculis omnibus luctuosam defle-
 mus, Pater Beatissime. Domus il-
 la, quam suis sibi manibus ædi- *Prou 9.*
 ficauerat Sapientia, illud sanctitæ
 Deum inter, atque homines pacis Templum æter- *Baron. ann.*
 num, ab impijs hodie prædonibus diripitur, ex- *77.*
 cinditur, solo æquatur. Neque Architector omni- *Leo ser. 10.*
 potens violentorum prohibet manus; quin etiam *de Pass.*
 furentes admittit, vt Sacrarium illud Diuinitatis, *Ioan. 2.*
 cæco impetu diruant, quod ipse postmodum, tri-
 duo, pulchrius, solidiusque restituat. Nos verò,
 quos miserè olim prostratos hæc labes erexit; nunc,
 quibus ea demolitio dolis adornata, quo furor
 incæpta, qua immanitate fuerit absoluta, gеме-
 bundi videamus. Iam ergo immanissimi parrici-
 diæ in Dei necem dudum intenti execrando faci-
 nori imminebant, nullumque non mouebant la-
 pidem, vt huius Sanctuarij lapides disperderent, *Ierem. la-*
 ac dissiparent. Cum idem ille Templum, Sacer- *ment. 4.*
 dos, atque Hostia Christus Dominus, super cœnam

A 3 opera-

operatus hac ipsa corporis sui ruitura in æde, eadem mox restituendæ novos deligit Sacerdotes, seque ipsum, arcanis planè mysterijs, viuum immolans Patri, iisdem illos initiat sacris, vt eodem in posterum ritu, ac lege victimam Deo immolent sanctiorem. Atque vt eosdem suo etiam doceret

- Isai. 56.* exemplo, domum Dei domum orationis esse; cum primùm, proximæ iam mortis afflatu, animus ille cæli risus, & gaudium in tædium sui adductus mortifera mæstitudine premi se intellexit; proci-
- 1. Reg. 10.* dit illicò in terram, effuditque planè in Patris conspectu animam suam, ipso iam futuri horrore facinoris cruentatam. Namque vt atrox illi aperta est scena imminentis ruinæ, quæ ferramenta, qui vctes, quæ machinæ, qui ministri, omnis denique operis immanissimi designatio & apparatus; contremuit animatum illud Templum ad pœnarum suarum conspectum, quo tremore illud etiam, iam
- 3. Reg. 7.* non æneum, sed aureum gratiarum mare, cor inquam Dei diffusum in rimas purpureum Mundi lacuum large profudit in terram. Verùm hæc inter, novos illos Leuitas, Templique cûstodes somnus habet altissimus, nec saltem excitari, atque increpiti prorsus cuigilant. Siccine vicem rependitis ingrati? periclitantibus olim vobis in mari, vbi ad hanc aram confugistis, illa in tempore adfuit, serenitatem cælo, tranquillitatem vndis, trepidis securitatem restituit; vos dum hæc eadem hostium
- impul-

impulsu labascit, dum insuetis agitur motibus di-
 uina tranquillitas, obdormiscitis, nec toties excita-
 ti opem imploranti affertis. Sed somnum, quem
 amor non potuit, excutiet timor. adest enim iam
 furentium prædonum caterua, impetum, haud du-
 biè, factura, nisi vestrum quispiam irruentes absti-
 neat. Exarsit hìc tandem ad creditæ sibi Domus
 tutelam Petrus, arreptamque inter inuadentium
 turbam petulantioris fortè satellitis aurem primo
 ictu abscidit, iamque felici initio audacior, in alios
 sanguine stillantem gladium moliebatur; cum mi-
 tissimi Pontificis voce repressus eundem reconde-
 re coactus est. illo iam tum facto edoctus, non esse
 Dei Templum castrorum more propugnandum. Ex vita san-
cti Thomæ
Cantuar.
 Itaque, vbi iam in sua potestate Regiam illam Di-
 uinitatis esse intellexerunt hostes vaferrimi; ne cui
 fortè sacrilegi viderentur, si Dei Templo manus
 impias admouissent; omnem prius ab illo sacri, di-
 uinique speciem amoliri constituunt. Hinc coacto
 sacrorum iudicum cætu, nùm ille Christus sit,
 Deique filius; hoc est, ritè ne ædes illa sacro vngu-
 ine delibuta, nùm verè Dei domus sit, ac sedes ex-
 quiritur. at vbi ex eius ore, ipso videlicet Templi
 adyto, diuinum responsum insonuit, quo se Dei fi-
 lium, atque oleo exultationis à Patre præ ceteris Psal. 44.
 inunctum tam verè, quàm liberè profitebatur;
 quasi impiam, atque execrandam vocem auersa-
 tus Caiphas, impius ipse ac sacer, simulato horro-

re con-

August. in
psalm. 63.

re contremuit, eumque, non ut sanctam veracis
Oraculi sedem, sed quasi prophanum mendacis
Idoli delubrum addixit ruinæ. Verum, ut in spe-
ciem saltem innocentius sæuaret, ipsa ædis excisio,

Jerem. or.

quò verè ad extraneos Domus Dei transiret, Pilato
extero, ac prophano iudici demandatur. Atque
utinam eiusdem ea libero cessisset arbitrio; stetit-
set profectò, neque ullius umquam impulsus sen-
sisset iniuriam. Etenim is, ut aliquid hostium fu-
rori permitteret, nudari illum primò, ac virgis
cædi, diripi videlicet Domum illam, ac violari im-
perat, non tamen excindi penitus finit. Et adsunt
iussa facturi cæmentarij inclementissimi, sacram
vestem, omnemque domus ornatum diripiunt;

3. Reg 6.

mox aureum illud diuinæ cutis tectorium, quo to-
ta fabrica splendide regebatur, certatim decutiunt,
nec antè desistunt, quàm ossa ipsa, hoc est structu-
ræ nuda saxa compareant. Ah plagis, parcite cru-

Marci 13.

deles lañij. Aspicite quales lapides, quali olim stru-
ctura compegerit magnus ille Templi Artifex; vi-
dete quàm barbarè suo iam emoti, disiectique sint
loco, breui, nisi absistitis, in tumulum redigendi.
Sed nimirum parum illis est quidquid iniuriæ su-
pèrstiti infertur; iamque iteratis vocibus ad necem
ipsam Diuinum caput expetitur. Quid agat hìc Pi-
latus Cæsaris gratiæ amantior multò, quàm iuris?
obstinatissimis clamoribus perterrefactus tandem
malè lotas dat manus, iubetque vel inuitus Dei

filius

filium in crucem agi; vno verbo, maximum Cæ-
 li, Terræque miraculum in terram deiici. Hic ve-
 rò, vt planè iam ex arte peccetur, à culmine reno-
 uatur excidium. Crines illos canaliculatim promif-
 sos, & sacri veluti tecti imbrices cælesti semper ro-
 re madentes, ac tunc maximè, pluiæ noctis gut- *Cant. 5.*
 tis diffuentes violenter auellunt, verticem ipsum *Psalm. 118.*
 cælo proximum, ac Templi faciem coronis olim *1 Mach. 4.*
 aureis ornari assuetam coronis spineis dehonestant,
 eandem palmarum vbique ramis eleganter in scul- *Ezech. 40.*
 ptam, palmis ipsi sacrilegis cædunt; iam denique
 cruces, iam clauos expediunt; nimirum, vt moles *Psalm. 118.*
 tota vno tandem impetu corruat, validiores ad-
 mouentur machinæ, mallei, vectes, & cunei. At
 Domus hæc, ne tunc quidem cum ædificaretur, *3. Reg. 6.*
 mallei, aut ferramenti cuiuspiam ictum sensit, hæc
 dum mediū silentium tenerent omnia, quasi *Sap. 18.*
 pluiæ cælo demissa, tacito lapsu, molli confedit *Psalm. 71.*
 in vellere: quid illam nunc robustissimi malleato- *Instar Dia-*
 res, ferreis cuneis penitissimè infixis, adeo fragose *nae templi.*
 diffinditis? amouete crudeles machinās. cernitis, *Plin. lib. 36.*
 vt resoluta iam compage membrorum vndequa- *cap. 14.*
 que dehiscat? Quod si parum id vobis est, neque-
 eam, etsi ruinosam stare permittitis, inclinato ver-
 tice, etiam procumbit in lapsum. Iam Templi ve-
 lum, hoc est, ipsa Christi humanitas, qua Diuini-
 tas tegebatur, animæ corporisque diuortio, in par-
 tes discinditur: iam tota penitus moles affligitur,
 & qui-

& quidem fragore tanto, vt morte etiam consopitos euigilare compulerit. Sensit immanem ruinam Tellus, tremuitque nutantium collisione saxorum, montiumque repentino dissidio; sensit, vel ab ipsis ruinæ primordijs, subitis inuolutum tenebris Cælum, & nox omni nocte nigrior, in ipso
1. Mach. 4. meridie puluerea caligine condensata. Quid hîc ageres Machabæorum Dux fortissime, quid ageres? vbi, non sacrarium modò desertum, altaria, prophanata, portas exustas, in ipsis ruderibus virgulta, spinaeque iam natas, sed nullam iam tanti ædificij speciem, decorem nullum extare conspiceres? Profectò, quando nulla iam tibi reparandæ Domus relicta spes foret, quod vnum reliquum esset, stare te iam puderet prostrato Deo, procidensque proinde in terram, sacræ ruinæ puluerem capiti imponeres, perpetuo saltem luctu tantum deploraturus excidium? At nos, ò Templi huius Molitor, atque Architector magne, quid agemus? Nam, quò nos tandem Leuitæ tui euersis aris, pro-
1. Mach. 3. culcatis sacris, exciso Templo recipiemus? Viden, vt Sacerdos tuus, & Nazaræi tui planè facti sunt in luctum? quò illos ducemus? quò, inquam? at vbi melius cuiquam sit, quàm inter hæc ipsa, quamuis puluerata, saxa? hîc hîc, sacris hisce ruderibus aduoluti, tanti excidij miserandas reliquias
Psal. 117. ligna, clauos, ac lapides ab impijs euerforibus reprobatos tamdiu complectemur, atque exosculabimur,